

EGWYDDORION AR GYFER CYDLYNU EFFEITHIOL

1 Pwrpas

Pwrpas y cyhoeddiad hwn yw

- i. Gosod fframwaith ar gyfer awdurdodau'r priffyrdd ac ymgwymerwyr statudol er mwyn iddynt gydymffurfio â Chod Ymarfer PAPC ar gyfer Cydlynu Gwaith Stryd a Gwaith at Ddibenion y Ffyrdd a materion cysylltiedig o dan Adrannau 56, 59 a 60 o Ddeddf Ffyrdd Newydd a Gwaith Stryd 1991; a
- ii. chydymffurfio â'r Model o Gylch Gorchwyl ar gyfer Cyfarfodydd Cydlynu Lleol Cymru (Atodiad 1)

2. Rhagarweiniad

2.1 Mae'n ofynnol i Gyfarfodydd Cydlynu Lleol gyflawni swyddogaethau statudol, fel y nodir yn adrannau 56, 59 a 60 yn y Ddeddf.

2.2 Mae'n ofynnol i bob awdurdod wneud ei orau i gydlynu gwaith o bob math, gan gynnwys ei waith ei hun.

2.3 Mae'n ofynnol i bob ymgwymerwr gymryd rhan yn y broses gydlynu, a chydweithredu gyda'r awdurdod ac ymgwymerwyr eraill.

2.4 Er mwyn bodloni'r gofynion hyn, bydd yn rhaid cytuno a darparu strwythur cydlynu priodol, amserlen ar gyfer tasgau gweinyddol cysylltiedig, dull cytun o gyflwyno gwybodaeth am waith, a chynllunydd tymor hir ar gyfer Cyfarfodydd Cydlynu Lleol Chwarterol.

2.5 Er mwyn i'r cydlynu fod yn effeithiol, rhaid i hyrwyddwr y gwaith roi manylion am raglenni gwaith cyfalaf a gwaith cynnal a chadw blynyddol cyn gynted ag y bo'n ymarferol gwneud hynny. Rhaid i'r manylion hyn gael eu diweddarau'n chwarterol.

2.6 Mae'n bwysig i'r rhai sy'n mynychu'r cyfarfodydd cydlynu fod yn gyfarwydd â rhaglen waith eu corff eu hunain a dylai fod ganddynt yr awdurdod i'w hamrywio os bydd angen.

2.7 Lle bo mwy nag un rhanbarth ymgymryd yn ymdrin ag ardal cydlynu, dylai'r ymgwymerwyr benodi prif gysylltydd i ymdrin ag absenoldebau. Dylai'r prif gysylltydd fod yn gyfarwydd â rhaglen waith ardal y cynrychiolydd absennol, a dylai fod ganddo'r awdurdod i'w hamrywio os bydd angen.

2.8 Mae'r Cyfarfodydd Cydlynu Lleol Chwarterol yn gweithredu fel ffocws ar gyfer nodi lle gallai fod gwrthdaro ynglyn â gwaith, ac yn ganllaw i beirianwyr a chynllunwyr enwebedig. Ond mae cydlynu yn broses barhaus, ac mae'n hanfodol bod cysylltiad parhaus rhwng yr amserau hyn i sicrhau bod materion sydd heb eu datrys yn cael eu datrys yn gyflym.

2.9 Lle bo hynny'n briodol, dylid trefnu cyfarfodydd cydlynu ychwanegol i ymdrin â chynlluniau sydd ag effeithiau mawr. Gallai'r materion hyn gynnwys cau ffyrdd, rheoli traffig, gwasanaethau cludiant cyhoeddus, materion yn ymwneud â busnes a chymunedau, a'r gwasanaethau argyfwng.

3 Dulliau Gweithredu

3.1 Bydd yr awdurdod yn rhoi rhestr o gyfarfodydd y Cyfarfod Cydlynu Lleol Chwarterol i'r ymgymrwyr a staff perthnasol y priffyrdd o leiaf ddeuddeg mis ymlaen llaw. Dylai'r rhestr gynnwys amserlen ar gyfer cydymffurfio o ran darparu gwybodaeth am waith a thasgau gweinyddol.

3.2 Bydd yr awdurdod yn ceisio dosbarthu rhestr gydlynu gwaith ddiwygiedig o holl gynigion hyrwyddwyr gwaith i'r ymgymrwyr a pheirianwyr y priffyrdd, chwech wythnos cyn y Cyfarfodydd Cydlynu Lleol Chwarterol.

3.3 Bydd ymgymrwyr a pheirianwyr y priffyrdd yn archwilio'r rhestr o fewn pythefnos, wedi ei diwygio yn briodol, i roi manylion diwygiedig ynddi am raglenni ac unrhyw waith newydd. Os yn briodol, dylid dychwelyd y ffurflen heb ddim newidiadau arni.

3.4 Bydd yr Awdurdod yn dosbarthu agenda a rhestr wedi'i diweddarau, i'r ymgymrwyr a pheirianwyr y priffyrdd, un wythnos cyn y Cyfarfodydd Cydlynu Lleol Chwarterol.

3.5 Cyn mynychu'r Cyfarfodydd Cydlynu Lleol Chwarterol dylai hyrwyddwyr gwaith nodi unrhyw wrthdaro potensial ar gyfer eu gwaith eu hunain, a datblygu dewisiadau addas ar gyfer unioni'r gwrthdaro a'u rhoi ger bron y cyfarfod.

3.6 Dylid cyfyngu busnes y Cyfarfodydd Cydlynu Lleol Chwarterol i faterion sy'n codi, gwaith sydd wedi ei ail-raglennu a gwaith newydd, rheoli traffig, ac unioni unrhyw faterion a allai beri gwrthdaro o ran y gwaith.

3.7 O fewn un mis yn dilyn y Cyfarfodydd Cydlynu Lleol Chwarterol bydd awdurdod y priffyrdd yn dosbarthu cofnodion y penderfyniadau a wnaethpwyd.

4 Cyfarfodydd Cydlynu Ychwanegol

4.1 Bydd yr angen am gyfarfodydd cydlynu ychwanegol, a phenderfyniadau ynglyn â phwy fydd yn cymryd rhan ynddynt, yn dibynnu ar yr amgylchiadau i raddau helaeth.

4.2 Bydd awdurdod y priffyrdd yn darparu agenda a chofnodion ar gyfer y cyfarfodydd hyn ac yn eu dosbarthu fel bo'n briodol.

Atodiad 1: Model o Gylch Gorchwyl

ar gyfer Cyfarfodydd Cydlynu Lleol Cymru

Cylch Gorchwyl

Cydlynu gwaith er mwyn peri cyn lleied â phosib o anhwylystod i ddefnyddwyr y priffyrdd, gan gynnwys:

- a. Rhoi cyfrif am brosiectau mawr penodol awdurdodau'r priffyrdd a'r ymgwymerwyr;
- b. Rhaglenni blynyddol tymor canol (gwaith cyfalaf a gwaith cynnal a chadw) ar gyfer gwaith at ddibenion y ffyrdd a gwaith stryd;
- c. Polisiâu lleol sy'n effeithio ar waith stryd, gan gynnwys cynigion i reoli traffig.

Cyfeirir materion ehangach at y PAPCau Is-ranbarthol.

Aelodau

Cynrychiolwyr o unrhyw Gyfleustodau neu Awdurdodau'r Priffyrdd sy'n gwneud Gwaith Stryd neu Waith at Ddibenion y Ffyrdd ac Awdurdodau y Strydoedd. Caiff cynrychiolwyr o'r awdurdodau strydoedd cyfagos, yr awdurdod cynllunio lleol, yr heddlu, y gwasanaethau argyfwng, grwpiau anabl neu eraill fynychu fel bo angen.

Amllder y Cyfarfodydd

Fel rheol cynhelir y cyfarfodydd yn chwarterol neu ar gais yr aelodau.

Gwasanaethu

Bydd Awdurdod y Strydoedd yn gyfrifol am wasanaethu'r cyfarfodydd